

Bannerius Dux Svecicus & Wilhelmus Hassus, ejusdemq; vidua denuo labefactant. Ac interea anno MDCXXXVII. bellis æque ac vita excedit Ferdinandus, immodicus suæ religionis defensor.

§. CCLVII. Dum patri tam in hæreditariis, quam Germaniæ regnis succedit FERDINANDVS III. jam superiori anno Romanorum Rex electus, bellorum quoque hæreditatem adire necessum habuit. In his Bernhardi Vinariensis virtus ac felicitas, immatura tamen morte obsignata, nec non Torstensonii Bannerio succedentis, ac deinceps Wrangelii prospera fortitudo excelluit: & Königsmarkius a capta Pragensis urbis parte plura tentasset, nisi pacis Osna-brugo-Monasteriensis mense Octobri anno MDCXLVIII. conclusæ renuntiatio eundem inhibuisset.

§ CCLVIII. Quæ quidem Pax post tricennale gravissimum multisque cladibus ac victoriis utrinque nobilita-